

續日本紀


卷十五
十六

特279-307



特279

07



始



明治十三年

物款

續日本紀卷第十五

起天平十五年正月盡十六年十二月

從四位下行民部大輔兼左兵衛督皇太子學士臣菅野朝臣真道等奉勅撰

天璽國押開豐櫻彦天皇

聖武天皇

十五年春正月辛丑朔遣右大臣橘宿祢諸兄

在前還恭仁宮○壬寅車駕自紫香樂至○

癸卯天皇御大極殿百官朝賀○丁未天

皇御大安殿宴五位已上賜祿有差○壬子御

石原官樓在東城北賜饗於百官及有位人等有

類史
屬國
冊七
函五

勅鼓琴任其彈歌五位已上賜摺衣六位已下
祿各有差○癸丑爲讀金光明寂勝王經請衆
僧於金光明寺其詞曰 天皇敬諮四十九座
諸大德等弟子階級宿殖嗣膺寶命思欲宣揚
正法導御蒸民故以今年正月十四日勸請海
內出家之衆於所住處限七々日轉讀大乘金
光明寂勝王經又令天下限七々日禁斷殺生
及斷雜食別於大養德國金光明寺奉設殊勝

之會欲爲天下之招諸德等或一時名輩或萬
里嘉賓僉曰人師咸稱國寶所冀屈彼高明隨
茲延請始暢慈悲之音終諧微妙之力仰願梵
宇增威皇家累慶國土嚴淨人民康樂廣及群
方綿該廣類同乘菩薩之乘並坐如來之坐像
法中興實在今日凡厥知見可不思哉○二月
辛巳以佐渡國弁越後國○し未夜月掩熒惑
○丁酉夜月掩太白○三月癸卯金光明寺讀

經竟 詔遣右大臣橘宿祢諸兄等就寺慰勞
衆僧○乙巳筑前國司言新羅使薩滄金序貞
等來朝於是遣從五位下多治比真人土作外
從五位下葛井連廣成於筑前檢校供官之事
○夏四月壬申行幸紫香樂以右大臣正二位
橘宿祢諸兄左大弁從三位巨勢朝臣奈氏麻
呂右大弁從四位下紀朝臣飯麻呂爲留守遣
宮内少輔從五位下多治比真人木人爲平城

宮留守○乙酉 車駕還宮○辛卯賜陪從五
位已上二十八人六位已下二千三百七十人
祿有差○甲午檢校新羅客使多治比真人土
作等言新羅使調改稱土毛書與注物數誓之
舊例大失常禮太政官處分且召水手已上告
以失禮之狀便即放却○五月辛丑自二月至
今日不雨奉幣帛于畿内諸神社祈雨焉○癸
卯宴群臣於内裏 皇太子親儻五節右大臣

橘宿祢諸兄奉詔奏太上天皇曰太上天皇大

命ミコト尔坐而奏賜カセテ又掛カケテ母畏カレコ伎飛鳥淨見御原宮

尔大八洲所知志聖乃天皇命天下乎治賜比

平賜比所思坐又上下乎齋倍和ヤハラ氣无動又静

尔加令有八礼等樂等二都並志平又長又可有

登隨神母所思坐比此乃舞乎始賜比造賜比

等聞食与天地共尔絶事無又弥继尔受賜

波行宇物之皇太子斯王尔學志頂令荷也

我皇天皇太前尔貢事乎奏於是太上天皇

詔報日現神御大八洲我子天皇乃掛母畏伎

天皇朝廷乃始賜比造賜解寶國寶等之此王

乎令供奉賜波天下尔立賜七行賜流部法波可

絶伎事波無又有家利見聞喜待止奏賜等詔

太命乎奏又今日行賜布態乎見行波直迹乃止

味尔不在天下人尔君臣祖子乃理乎教賜

比趣賜尔布止有良志母所思須是以教賜比趣

賜比奈受被賜持比不忘不失可有伎表等之

一二人乎治賜波奈止所思行等奏賜止詔大

命乎奏賜波又奏因御製歌曰蕪良美都夜麻

止乃久尔波可未可良斯多布度久安流羅之

許能未比美例波又歌曰阿麻豆可未美麻乃

祢已止乃登理母知氏許能等與美伎遠伊寸

多氏末都流又歌曰夜須美斯留和已於保支

美波多比良氣久那何久伊未之氏等與美伎

麻都流右大臣攝宿祢諸兄宜○詔曰天皇大

命良麻勅入行賜比供奉賜態依而御世御

世當比供奉留親主等大臣等乃子等乎始而

可治賜伎一二人等選給比治給布是以汝等

母今日詔大命乃等君臣祖子乃理遠忘事無

父繼坐乎天皇御世御世尔明淨心乎以而祖

名乎載持而天地與共尔長久遠夕仕奉之等

冠位上賜比治賜布勅大命衆聞食宜又皇

讀本紀卷十五

太子宮乃官人冠一階上賜布此中博士等
任賜部下道朝臣真備波冠二階上賜比治賜
等波勅天皇大命衆聞食宣授右大臣正二位
攝宿祢諸兄從一位正三位鈴鹿王從二位正
四位下藤原朝臣豐成從三位從四位上栗栖
王春日王並正四位下從四位下船王從四位
上元位阿力王御室王並從四位下從五位上
矢鉤王正五位下元位高江王林王市原王並

從五位下從四位下大伴宿祢牛養石上朝臣
山麻呂藤原朝臣仲麻呂並從四位上正五位
上多治比真人廣足佐伯宿祢常人正五位下
下道朝臣真備並從四位下正五位下多治比
真人占部石川朝臣加美從五位上藤原朝臣
八束攝宿祢奈良麻呂正五位下阿倍朝臣虫
麻呂佐伯宿祢清麻呂坂上忌寸犬養並正五
位上從五位上阿倍朝臣佐美麻呂從五位下

藤原朝臣河清從五位上紀朝臣清人石川朝臣年足背奈王福信並正五位下從五位下大伴宿祢稻君百濟王孝忠佐味朝臣虫麻呂臣勢朝臣堀麻呂佐伯宿祢稻麻呂並從五位上外從五位下縣犬養宿祢大國正六位上大伴宿祢駿河麻呂從六位上大原真人麻呂正六位上中臣朝臣清麻呂佐伯宿祢毛人並從五位下從六位上下毛野朝臣稻麻呂正六位上

高橋朝臣國足鴨朝臣角足秦井手麻呂紀朝臣小楯若犬養宿祢東人并上忌寸麻呂並外從五位下既而以右大臣從一位攝宿祢諸兄拜左大臣兵部卿從二位藤原朝臣豐成左大臣從三位巨勢朝臣奈弓麻呂為中納言從四位上藤原朝臣仲麻呂從四位下紀朝臣麻路為參議○し丑詔曰加聞墾田依養老七年格限滿之後依例收授由是農夫怠倦開地

後荒自今以後任爲私財無論三世一身咸悉
永年莫取其親王一品及一位五百町二品及
二位四百町三品及四品三百町四位二百町
五位百町六位已下八位已上五十町初位已
下至于庶人十町但郡司者太領少領三十町
主政主帳十町若有先給地過多效限便即還
公斫作隱欺科罪如法國司在任之日墾田一
依前格○丙寅禁斷諸國司等不住舊館更作

勅舍又到任一度須給鋪設而雖經年更亦給
之又各置養郡勿令煩資養備前國言邑久郡
新羅邑久浦漂著太魚五十二隻長二丈三尺
已下一丈二尺已上皮薄如紙眼似采泣聲如
鹿鳴故老皆云未嘗聞也○六月癸巳山皆國
言今月二十四日自酉至戌宇治河水涸竭行
人揭涉○丁酉以從五位下中臣朝臣清麻呂
爲神祇大副從五位下當麻真人鏡麻呂爲少

納言從五位下多治比真人木人爲中務少輔
從五位下藤原朝臣許勢麻呂爲中宮亮從五
位下高丘王爲右大舍人頭從五位下林王爲
圖書頭外從五位下小野朝臣經手爲內藏頭
從五位下大原真人麻呂爲式部少輔外從五
位下大伴宿祢三中爲兵部少輔從四位下大
市王爲刑部卿正五位上平群朝臣廣成爲大
輔外從五位上倭武助爲典藥頭外從五位下

紀朝臣男捐爲彈正卿從四位上藤原朝臣仲
麻呂爲左京大夫外從五位下鴨朝臣角足爲
右京亮從五位下多治比真人土作爲攝津介
從四位下下道朝臣真備爲春宮大夫皇太子
學士如故正五位下肖奈王福信爲亮正五位
下藤原朝臣清河爲大養德守從五位下佐伯
宿祢毛人爲尾張守外從五位下秦井手乙麻
呂爲相摸守從五位下百濟王敬福爲陸奧守

外從五位下葛井連廣成爲備後守從五位下
小治田朝臣廣千爲讚岐守外從五位上引田
朝臣重麻呂爲土左守○秋七月戊戌朔日有
蝕之一七庚子 天皇御石原宮賜饗於隼人等
授正五位上佐伯宿祢清麻呂從四位下外從
五位下葛井連廣成從五位下外從五位下曾
乃君多利志佐外正五位上外正六位上前君
乎佐外從五位上佐須岐君夜麻等久々賣外

正五位下○壬寅出雲國司言楯縫出雲一郡
雷雨異常山岳類崩壞序舍埋田畝○庚寅地
震○癸亥行幸紫香樂宮以左大臣橘宿祢諸
兄知太政官事鈴鹿王中納言巨勢朝臣奈豆
麻呂爲留守○八月丁卯朔幸鴨川改名爲宮
川也○し亥上総國言去七月大風雨數箇日
雜木長三四丈已下二三尺已上一万五千許
株漂著部内海濱也○九月壬寅正五位上石

川朝臣賀美授從四位下。○己酉免宮奴斐太
 從良賜大友史姓斐太始以大坂沙治玉石之
 人也。○丁巳甲賀郡調庸准畿內收之又免當
 年田租。○冬十月辛巳詔曰朕以薄德恭養
 太位志存兼濟勤撫人物雖率土之濱已霑仁
 恕而普天之下未給法恩誠欲賴三寶之威靈
 乾坤相泰修萬代之福業動植咸榮粵以天平
 十五年歲次癸未十月十五日發菩薩大願奉

造廬舍那佛金銅像一軀盡國銅而鎔象削大
 山以構堂廣及法界為朕知識遂使同蒙利益
 共致菩提夫有天下之富者朕也有天下之勢
 者朕也。以此富勢造此尊像事之易成心之難
 至。但恐徒有勞入無能感聖或生誹謗反墮罪
 辜是故預知識者懇發至誠各招介福宜每日
 三拜廬舍那佛自當存念各造廬舍那佛也。如
 更有人情願持一枝草一把土助造像者恣聽

之國郡等司莫因此事侵擾百姓強令收斂布告遐迩知朕意矣○壬午東海東山北陸三道二十五國調庸等物皆令貢於紫香樂宮○乙酉皇帝御紫香樂宮為奉造廬舍那佛像始開寺地於是行基法師率弟子等勸誘衆庶○十一月丁酉天皇還恭仁宮車駕留連紫香樂凡四月焉○戊申宴群臣於內裏外從五位下倭武助授從五位下五位已上賜祿有差

○十二月己丑始運平城器仗收置於恭仁宮○辛卯始置筑紫鎮西府以從四位下石川朝臣加美為將軍外從五位下大伴宿禰百世為副將軍判官二人主典二人初壞平城大極殿并步廊遷造於恭仁宮四年於茲其功總畢矣用度所費不可勝計至是更造紫香樂宮仍停恭仁宮造作焉

十六年春正月丙申朔廢朝饗五位已上於朝

堂○庚戌任裝束次第司為幸難波宮也○戊
午太政官奏鎮西府將軍准從五位官判官准
從六位官主典准從七位官倍給二季祿及月
料並留應入京調庸物相折通融隨時便給又
特賜公廨由將軍十町副將八町判官六町主
典四町奏可之○辛酉給鎮西府印一面○閏
正月し丑朔詔喚會百官於朝堂問曰恭仁
難波二京何定為都各言其志於是陳恭仁京

便宜者五位已上二十三人六位已下百五十
七人陳難波京便宜者五位已上二十三人六
位已下一百三十人○戊辰遣從二位巨勢朝
臣奈氏麻呂從四位上藤原朝臣仲麻呂就市
間定京之事市人皆願以恭仁京為都但有願
難波者一人願平城者一人○癸酉更仰京職
令諸寺百姓皆作舍宅○し亥天皇行幸難
波宮以知太政官事從二位鈴鹿王民部卿從

四位上藤原朝臣仲麻呂為留守是日安積親
 王^孫脚病從櫻井頓官還丁^又薨時年十七
 遣從四位下大市王^紀朝臣飯麻呂等監護葬
 事親王^{天皇}之皇子也母夫人正三位縣犬
 養宿祢廣刀自從五位唐之女也^{二月}未
 遣少納言從五位上茨田王于恭仁宮取驛鈴
 内外印又遣諸司及朝集使等於難波宮^丙
 申中納言從三位巨勢朝臣奈氏麻呂持留守

官所給鈴印^{諸難波官}以知太政官事從二位
 鈴鹿王木土頭從五位上小田王兵部卿從四
 位上大伴宿祢牛養大藏卿從四位下大原真
 人櫻井太輔正五位上穗積朝臣老五人為恭
 仁宮留守治部太輔正五位下紀朝臣清人左
 京亮外從五位下巨勢朝臣嶋村二人為平城
 宮留守○甲辰幸和泉宮○丙午免天下馬飼
 雜戶人等^因勅曰汝等今負姓人之所耻也

所以原免同於平民但既免之後汝等手伎如
 不傳習子孫子孫弥降前好欲從卑品又放官
 奴婢六十人從良〇丁未車駕自和泉宮至
 〇甲寅運恭仁宮高御座并大楯於難波宮又
 遣使取水路運漕兵庫器仗〇乙卯恭仁京百
 姓情願遷難波宮者恣聽之〇丙辰幸安曇江
 遊覽松林百濟王等奏百濟樂詔授无位百
 濟王女天從四位下從五位上百濟王慈敬從

五位下孝忠金福並正五位下〇戊午取三嶋
 路行幸紫香樂宮太上天皇及左大臣橘宿
 祢諸兄留在難波宮焉〇庚申左大臣宣勅
 云今以難波宮定為皇都宜知此城京戶百姓
 任意往來〇三月甲戌石上榎井二氏樹大楯
 槍於難波宮中外門〇丁丑運金光明寺大般
 若經致紫香樂宮比至朱雀門雜樂迎奏官人
 迎礼引導入宮中奉置安殿請僧二百轉讀一

日○戊寅難波宮東西樓殿請僧三百人令讀
大般若經○夏四月丙午紫香樂宮西北山火
城下男女數千餘人皆趣伐山然後火滅○天
皇嘉之賜布人一端○甲寅廢造兵鍛冶二司
○丙辰以始營紫香樂宮百官未成司別給公
廩錢惣一千貫交開取息未充公用不得損失
其本每年限十一月細録本利用狀令申太政
官○五月庚戌肥後國雷雨地震八代天草葦

北三郡官舍并田二百九十餘町民家四百七
十餘區人千五百二十餘口被水漂没山崩二
百八十餘所廢死人四十餘人並加賑恤○六
月壬子雨水○秋七月癸亥 太上天皇幸智
努離宮○丁卯故正四位下紀朝臣男人與故
從五位下紀朝臣國益相誑奴婢依刑部判賜
國益男正五位下清人既而清人上表悉從良
焉○戊戌 太上天皇幸仁岐河陪從衛士已

續日本紀卷十五
上無問男女賜祿各有差○巳巳 車駕還難
波宮○甲申 詔曰四畿內七道諸國各別割
取正統四方束以入僧尼兩寺各二万束每年
出舉以其息利求支造寺用○八月乙未 詔
授蒲生郡大領正八位上佐々貴山君親人從
五位下并賜食封五十戶。純一百疋布二百端
綿二百屯錢一百貫。神前郡大領正八位下佐
佐貴山君足人正六位上并純四十疋布八十

端綿八十屯錢四十貫。斯二人並伐除紫香樂
宮邊山木故有此賞焉○九月甲戌遣巡察使
於畿內七道以從四位下純朝臣飯麻呂為畿
內使正五位下石川朝臣年足為東海道使正
五位上平郡朝臣廣成為東山道使從五位下
石川朝臣東人為北陸道使正五位下百濟王
金福為山陰道使外從五位下大伴宿祢三中
為山陽道使外從五位下巨勢朝臣嶋村為南

海道使從四位上石上朝臣乙磨爲西海道使
外從五位下大養德宿祿小東人爲次官道別
判官一人丰典一人○乙酉 勅八道巡察使
等曰是行使等檢問事條國郡官司依實報告
者縱當死罪咸原而論若有經問不臣被使勘
權者事雖細小依法不容使宜懇勸告示一事
以上准 勅施行○丙戌 勅頒三十二條於
巡察使事具別勅因勅曰凡項聞諸國郡官人

等不行法令空置卷中無畏憲章擅求利潤公
民歲弊私門日增朕之股肱豈合如此自今以
後宜依頒條每四考終必加訪察奏聞即隨善
惡黜陟其人遂令涇渭殊流賢愚得所若有巡
察使諂曲爲心昇降失理當實法律以明勸沮
無偏無黨清風肅俗拔自常班勳以榮秩宜告
所司知朕意焉又口勅十三條具在別勅又
勅曰爲檢天下諸國政績治不令差巡察使分

道發遣但比年以來所任使人訪察不精黜陟
有監吏民由是未肅風化所以尚權改令具定
事條仰令巡檢唯恐官人不練明科多犯罪恣
還陷法網仍垂非常之恩特開自訴之路其國
郡官司雖犯謀反大逆常赦所不免咸悉除免
一切勿論但情懷奸偽不肯吐實使人存意再
三喻示若是因執猶不首伏者依法科罪普天
卒土宜知朕懷焉又口勅五條語具別記已

又詔曰今聞僧綱任意用印不依制度宜令
進其印置大臣所自今以後一依前例僧綱之
政亦申官待報給鎮西府驛鈴二口○冬十月
辛卯律師道慈法師卒天平元年為律師法師俗姓額
田氏添下郡人也性聰悟為衆所推大寶元年
隨使入唐涉覽經典尤精三論養老二年歸朝
是時釋門之秀者唯法師及神毅法師二人而
已著述愚志一卷論僧尼之事其略曰今察日

本素緇行佛法軌模全異大道俗傳聖教法
則若順經典能護國土如違憲章不利人民
國佛法万家修善何用虛設豈不慎乎弟子傳
業者于今不絕屬遷造大安寺於平城勅法
師勾當其事法師尤妙工巧構作形製皆稟其
規模所有匠手莫不歎服焉卒時年七十有餘
○乙未左大臣家令年六位上余義仁授外從
五位下○庚子太上天皇行幸玳努及竹原

井離宮○辛丑賜郡司十四人爵一級高年一
人六級三人九級行所經大鳥和泉日根三郡
百姓年八十以上男女穀人有差○壬寅太
上天皇還難波宮○十一月壬申甲賀寺始建
廬舍那佛像體骨柱天皇親臨手引其繩于
時種々樂共作四太寺衆僧僉集襯施各有差
○癸酉太上天皇幸甲賀宮○丙子太上天
天皇自難波至○庚辰授正五位上藤原朝臣

八束正五位下紀朝臣清人並從四位下外從
五位下大宅朝臣君子田邊史難波並從五位
下○十二月庚寅有星孛於將軍○壬辰令天
下諸國藥師梅過七日○丙申度一百人此夜
於金鐘寺及朱雀路燃燈一万余

續日本紀卷十五

續日本紀卷第十六

起天平十七年正月盡天平十八年十二月

從四位下行民部大輔兼左兵衛督美太子學士臣官野朝臣真道等奉勅撰

天璽國押開豐櫻彦天皇

聖武天皇

十七年春正月己未朔廢朝乍遷新京伐山開
地以造宮室垣牆未成繞以帷帳令兵部卿從
四位上大伴宿祢牛養衛門督從四位下佐伯
宿祢常人樹大楯槍石上楨井二氏會卒不是
日宴五位已上於御在所賜祿有差○乙丑

天皇御大安殿宴五位已上。詔授從四位上大伴宿祢牛養從二位從五位下阿貴王從五位上无位依羅王從五位下從四位上藤原朝臣仲麻呂正四位上正五位下阿倍朝臣少弥中呂藤原朝臣清河並正五位上從五位上石川朝臣麻呂紀朝臣宇美並正五位下從五位下三國真人廣庭多治比真人屋主藤原朝臣許勢麻呂並從五位上外從五位下紀朝臣廣

名紀朝臣男楯正六位上石川朝臣名人縣犬養宿祢須奈保大伴宿祢古麻呂大伴宿祢家持並從五位下外從五位上宗形朝臣赤麻呂外正五位上外從五位下巨勢斐多朝臣嶋村高丘連河内並外從五位上正六位上路真人野上粟田朝臣堅石大伴宿祢名負太朝臣德足鴨朝臣石角布勢朝臣多祢難福子田邊史高額檜原造東人並外從五位下又授无位衣

縫女王石川女王秦女王並從四位下无位又
米女王氷上女王母田女王巨勢女王並從五
位下外從五位上佐味朝臣稻敷外從五位下
縣犬養宿祢八重无位中臣朝臣真敷並從五
位下外從五位上尾張宿祢小倉黃文連許志
朝翁君時小槻山君廣虫並外正五位下无位
中臣小殿連真庭外從五位下箭集宿祢堅石
並外從五位上正六位上槻本連若子正六位

下熊野直廣濱粟凡直若子若湯坐宿祢繼女
氣太十千代飯高君笠目无位大石村生廣嶋
古仁染思上部真善忍海連伊賀頭古仁虫名
栗栖史多祢女茨田宿祢弓束並外從五位下
宴訖賜祿有差百官主典已上於朝堂賜饗祿
亦有差○已卯詔以行基法師為大僧正○
二月壬子以從五位下佐伯宿祢毛人為伊勢
守正五位下大伴宿祢兄麻呂為美濃守○夏

四月戊子朔市西山火○庚寅寺東山火○甲午散位從四位下三室王卒○乙未伊勢國真木山火三四日不滅延燒數百餘町即仰山背伊賀近江等國撲滅之○戊戌宮城東山火連日不滅於是都下男女競往臨川埋物焉天皇備駕欲幸大丘野○庚子夜微雨火乃滅止○壬寅徵鹽燒王令入京○庚戌大藏卿從四位上大原真人門部卒○壬子正六位上託隆

真王養德畫師楯戶弁麻呂葛井連諸會及田宿祢牧麻呂丹比間人宿祢和珥麻呂正七位下國君麻呂並授外從五位下○甲寅詔依巡察使上奏原免天下諸國去年田租又緣有勅念大赦天下其自天平十七年四月二十四日昧爽以前大辟罪已下罪無輕重已發覺未發覺已結正未結正繫囚見從咸悉赦除但凡八唐罪死者免死長禁私鑄錢及徒者著馱長

役鑄錢司強盜竊盜常赦所不免不在赦限六
流入到配所者准此簡擇特令會恩是日通夜
地震三日三夜美濃國樽館正倉佛寺堂塔百
姓廬舍觸處崩壞○し卯散位正四位下春日
王卒○五月戊午朔地震己未地震令京師
諸寺限一七日轉讀寂勝王經筑前筑後豐前
豐後肥前肥後日向七國无姓人等賜所願姓
是日太政官召諸司官人等問以何處為京造

言可都平城○庚申地震遣造宮輔從四位下
秦公嶋麻呂令掃除恭仁宮○辛酉地震遣大
膳大夫正四位下栗栖王於平城藥師寺請集
四大寺衆僧問以何處為京僉曰可以平城為
都○壬戌地震日夜不止是日車駕還恭仁
宮以參議從四位下紀朝臣麻路為甲賀宮留
守○癸亥地震車駕到恭仁京泉橋于時百
姓遙望車駕拜謁道左共構萬歲是日到恭

仁宮○甲子地震遣右大臣從四位下紀朝臣
飯麻呂掃除平城宮時諸寺衆僧率淨入童子
等爭來會集百姓亦盡出里無居人以時當農
要慰勞而還○乙丑地震於大安藥師元興
福四寺限三七日令讀大集經自四月不雨不
得種藝因以奉幣諸國神社祈雨焉○丙寅地
震發近江國民一千人令滅甲賀宮邊山火○
丁卯地震讀大般若經於平城宮是日恭仁京

市人徙於平城曉夜爭行相撲無絕○戊辰奉
幣帛於諸陵是時甲賀宮空而無人盜賊元片
火亦未滅仍遣諸司及衛門衛士等令收官物
是日行幸平城以中宮院爲御在所舊皇后宮
爲官寺也諸司百官各歸本曹○癸酉地震○
乙亥地震 天皇親臨松林倉廩賜陪從人等
穀有差○壬午制牙位皇親給春秋服者自今
已後上日不滿一百四十不在給例

計上日七十
給春夏

服ラ秋冬亦如之之但給乳母王不在此限又櫻格兼嫡王者直得王名不在給服之限是月地震異常往上往上坊裂永泉涌出○六月庚寅遣左衛士督從四位下佐伯宿禰淨麻呂奉幣帛于伊勢太神宮○辛卯復置太宰府以從四位下石川朝臣加美為大貳從五位上多治比真人牛養外從五位下大伴宿禰三中並為少貳○庚子筑前國宗形郡大領外從八位上宗形朝臣與呂志

授外從五位下是日樹宮門之大楯○秋七月庚申遣使祈雨焉○壬申地震○癸酉地震○戊寅典侍從四位上大宅朝臣諸姉卒○八月己丑給太宰府管内諸司印十二面○甲午從五位下中臣熊凝朝臣百嶋除中臣為熊凝朝臣○庚子設無遮大會於太安殿焉○己酉地震○壬子正三位山形女王薨淨廣壹高市皇子カキイナ之女也○癸丑行幸難波宮以中納言從三

位巨勢朝臣奈氏麻呂藤原朝臣豐成爲留守
○甲寅地震○九月丙辰地震○戊午知太政
官事兼式部卿從二位鈴鹿王薨高市皇子之
子也以正五位上橘宿禰奈良麻呂爲攝津大
夫正五位下百濟王全福爲尾張守外從五位
下田邊史高額爲參河守民部卿正四位上藤
原朝臣仲麻呂爲兼近江守從五位下縣犬養
宿禰須奈保爲丹後守從五位下大原真人麻

呂美作守外從五位下井上忌寸麻呂爲紀伊
守正五位下紀朝臣宇美爲讚岐守外從五位
下車持朝臣國人爲伊豫守外從五位上文忌
寸馬養爲筑後守○丁卯以從五位上巨勢朝
臣堺麻呂爲式部少輔○己巳禁斷三年之內
天下殺一切完○辛未勅朕頃者枕席不安
稍延旬日以爲治道有失民多羅罪宜可大赦
天下常赦所不免咸赦除之其年八十以上及

續日本紀卷十六
八
鰥寡惻獨并病疾之徒不能自存者量加賑恤
○壬申從五位下藤原朝臣乙麻呂爲兵部少
輔從五位上佐味朝臣虫麻呂爲越前守○癸
酉散位從四位下中臣朝臣名代卒 天皇不
豫 勅平城恭仁留守固守宮中悉追孫王等
詣難波宮遣使取平城宮鈴印又令京師畿內
諸寺及諸名山淨處行藥師悔過之法奉幣祈
賀茂松尾等神社令諸國所有鷹鷄並以放去

度三十八百人出家○甲戌令播磨守正五位
上阿倍朝臣虫麻呂奉幣帛於八幡神社令京
師及諸國寫大般若經合一百部又造藥師像
七軀高六尺三寸并寫經七卷○丙子中納言
從三位巨勢朝臣奈比麻呂等言巨勢朝臣等
久時所訴奴婢二百三人今既訴請徒良許之
○丁丑平城中宮請僧六百人令讀大般若經
○巳卯車駕還平城是夕宿宮池驛○庚辰

至平城宮○冬十月戊子論定諸國出舉正稅
每國有數但多祇對馬兩嶋者並不入限○辛
亥河內國司言右京入尾張王於部內古市郡
古市里田家庭中得白龜一頭長九分闊七分
兩目並赤○十一月乙卯遣玄昉法師造筑紫
觀世音寺○己巳宴五位已上於內裏賜祿有
差但年七十以上別加賜被○庚午收僧玄昉
封物○庚辰制諸國公廩大國四十方束上國

三十方束中國二十方束就中大隅薩摩兩國
各四方束下國十方束就中飛驒隱岐淡路三
國各三方束志摩國壹歧嶋各一方束若有正
稅數少及民不肯舉者不必滿限其官中欠負
未納之類以茲令填不許更申又令諸國停止
仕丁之廩○十二月戊戌運恭仁宮兵器於平
城
十八年春正月癸丑朔廢朝○丙寅地震○己

卯正二位牟漏女王薨贈從二位栗隈王之孫
從四位下美努王之女也○庚辰右京人上部
乙麻呂之妻大辛刀自賣一產三女給正稅四
百束○辛巳地震夜亦震○壬午地震○二月
己丑改騎舍人為授刀舍人○三月丁巳以正
四位上藤原朝臣仲成呂為式部卿從四位下
紀朝臣麻呂為民部卿外從五位上秦忌寸朝
元為主計頭○己未外從七位下出雲臣弟山

授外從六位下為出雲國造勅曰朕君臨四
海憂勞兆民未致隆平稍有勳德粵得治部卿
從四位上石上朝臣乙麻呂等奏備正五位下
河內國守大伴宿祢古德斐解備於所部古市
郡內右京人尾張王獲白龜一頭長闊短小形
象異常者謹檢瑞圖及接神契云王者德澤浴
則神龜來孝道行則地龜出實合大瑞者斯也
乾坤垂福宗社降靈河洛呈祥幽明協度祗對

續日本紀卷十一
十一
天貺喜懼交懷。孤以薄德，何堪承受。百官共悅。良當朕意。且天下六位以下，皆加一級。孝子順孫、義夫、節婦及力田者，二級。唯正六位上免。當今年租，其進龜人特叙從五位下，賜物准例。出龜郡者免。今年租調。○壬戌，以正五位上平群朝臣廣成爲式部太輔，正五位上橘宿禰奈即麻呂爲民部太輔，正五位下石川朝臣麻呂爲宮內太輔。從五位下大伴宿禰家持爲少輔。

○丁卯，勅曰：興隆三寶，國家之福田。撫育萬民，先王之茂典。是以爲令，皇基永固，室胤長業。天下安寧，黎元利益，仍講仁王般若經。於是伏聞其教，以慈爲先，情感寬仁，事深隱惻。宜天平十八年三月十五日，昧爽以前，太辟以下罪無輕重，未發覺已發覺，未結正已結正，繫囚見徒咸赦除之。但八扈故殺人謀殺殺訖私鑄錢強竊二盜，常赦所不免者，不在赦限。○戊辰，太政

官處分九寺家買地律令所禁比年之間占賣
繁多於理商量深非惡法且令京及畿內嚴加
禁制以從四位上三原王為大藏卿○丙子常
陸國鹿嶋郡中臣部二十烟占部五烟賜中臣
鹿嶋連之姓○夏四月己酉以從五位下其南
備真人神前為刑部大輔外從五位下大養德
宿祢小東人為攝津亮從五位下百濟王敬福
為上總守從四位上石上朝臣乙麻呂為常陸

守正五位下石川朝臣年足為陸奧守○庚戌
以左大臣從一位橘宿祢諸兄為兼太宰帥中
納言從三位藤原朝臣豐成為兼東海道鎮撫
使參議式部卿正四位上藤原朝臣仲麻呂兼
東山道鎮撫使中納言從三位巨勢朝臣奈氏
麻呂為兼北陸山陰兩道鎮撫使參議從三位
大伴宿祢牛養為兼山陽道鎮撫使參議從四
位下紀朝臣麻呂為兼南海道鎮撫使○壬辰

以正五位下百濟王孝忠為左中弁從四位下
 大市王為內匠頭從五位下紀朝臣廣名為太
 學頭從四位上安宿王為治部卿從五位下多
 治比真人土作為民部少輔從四位下多治比
 真人廣足為形部卿從四位上船王為彈正手
 外從五位下大伴宿祢三中為長門守從五位
 下紀朝臣男指為太宰少貳○庚子以從五位
 下小田王為因幡守○壬寅以從五位下依羅

王為大炊頭外從五位下鴨朝臣石角為主殿
 頭外從五位下小野朝臣綱手為上野守○癸
 卯夜正四位上藤原朝臣仲麻呂從三位正四
 位下智努王正四位上從四位上三原王正四
 位下從四位下諱從四位上從五位下小田王
 從五位上无位額田部王伊香王山村王並從
 五位下從四位上石上朝臣乙麻呂正四位下
 從四位下紇朝臣麻路從四位上正五位上多

治比真人占部阿倍朝臣沙弥麻吕藤原朝臣
清河正五位下大伴宿祢兄麻吕並從四位下
正五位下石川朝臣年足正五位上從五位上
多治比真人國人正五位下從五位下栗田朝
臣馬養從五位上外從五位下大伴宿祢麻吕
田口朝臣三田次為奈真人馬養栗田朝臣堅
石當麻真人廣名紀朝臣可比佐大伴宿祢三
中大伴宿祢名員大伴宿祢百世路真人官守

引田朝臣虫麻吕下毛野朝臣稻麻吕大朝臣
德足路真人野上車持朝臣國人高橋朝臣國
足鴨朝臣石角穗積朝臣老人布勢朝臣多祢
大伴宿祢犬養笠朝臣養麻吕小野朝臣東人
小野朝臣經手記朝臣必登鴨朝臣角足正六
位下藤原朝臣宿奈麻吕正六位上阿倍朝臣
毛人波多朝臣足人佐伯宿祢濱足坂合部宿
祢金經采女朝臣人阿曇宿祢大足中臣朝臣

益人縣犬養宿祢古麻呂正六位下巨勢朝臣
君成正六位上大神朝臣麻呂佐伯宿祢全成
大養德忌寸佐留並從五位下正六位上津史
馬人太鳥連大麻呂船連吉麻呂土師宿祢牛
勝王生使主宇太麻呂中臣丸連張弓出雲臣
屋麻呂清原連道並外從五位下○巳酉 勅
一位以下初位以上馬從多數甚無制度其一
位十二人二位十人三位八人四位六人五位

四人六位以下二人自今已後永為恒式但職
事一位二位不在此例○五月癸丑從四位下
紀朝臣清人為武藏守○戊午外從五位上菅
生古麻呂巨勢斐太朝臣嶋村物部依羅朝臣
人會高丘連阿内外從五位下檜原造東人小
治田朝臣諸人民忌寸真楨並授從五位下
庚申禁諸寺競買百姓墾田及園地永為寺地
○丙子令諸國依舊進仕丁之廡○六月丙戌

續日本紀卷之十一
地震○壬辰從五位下高丘王授從四位下无
位大養德宿祢麻呂女從五位下○已亥僧玄
肪死玄肪俗姓阿力氏靈龜二年入唐學問唐
天子尊肪准三品令著紫袈裟天平七年隨太
使多治比真人廣成還歸賣經論五千餘卷及
諸佛像來皇朝亦施紫袈裟著之尊為僧正安
置內道場自是之後榮寵日盛稍乖沙門之行
時人惡之至是死於徒所世相傳云為藤原廣

嗣靈所害○壬寅以從五位下石川朝臣名人
為內藏頭從五位下引田朝臣虫麻呂為木工
頭從五位下物部依羅朝臣人會為信濃守從
五位下藤原朝臣宿奈麻呂為越前守從五位
下大伴宿祢家持為越中守○秋七月辛亥朔
遣使於畿內祈雨焉○八月丁亥以從五位下
伊香王為雅樂頭外從五位下土師宿祢牛勝
為諸陵頭從五位下中臣朝臣益人為主稅頭

外從五位下壬生使主宇太麻呂為右京亮〇
壬寅置齋宮寮以從五位下路真人野上為長
官〇九月庚戌朔外從五位下秦忌寸大魚為
下野守外從五位下客君狛麻呂為土左守〇
壬子先是縣女王為齋王至是發入大臣已下
送出門外諸司亦送至京外而還〇壬戌地震
〇癸亥以從五位下藤原朝臣宿奈麻呂為上
總守從五位下百濟王敬福為陸奧守從五位

下大伴宿祢駿河麻呂為越前守〇戊辰以從
五位下紀朝臣廣名為少納言正五位下石川
朝臣麻呂為中務大輔從四位下山背王為右
大舍人頭從五位下總積朝臣老人為內藏頭
從五位下久勢王為大學頭從五位上茨田王
為宮內大輔從五位下多治比真人木人為下
總守〇己巳以正四位下石上朝臣乙麻呂為
右大弁從四位下佐伯宿祢清麻呂為皇后宮

大夫從五位下縣犬養宿祢古麻呂為治部少
輔從五位下藤原朝臣乙麻呂為兵部大輔從
五位下阿倍朝臣子嶋為少輔從五位下巨勢
斐太朝臣嶋村為刑部少輔從五位下紀朝臣
可比佐為大藏少輔從五位下波多朝臣足入
為宮内少輔從五位下多治比真人犢養為左
京亮正五位上平群朝臣廣成為攝津大夫正
五位上石川朝臣年足為春宮負外亮從四位

下紀朝臣飯麻呂為常陸守從五位下高丘連
河内為伯耆守從五位上多治比真人屋主為
備前守從五位上粟田朝臣馬養為筑前守從
五位下大伴宿祢百世為豐前守○甲戌民部
卿從四位上紀朝臣麻路為兼右衛士督○戊
寅恭仁宮大極殿施入國分寺○閏九月乙酉
无位鹽燒王授本位正四位下從五位下百濟
王敬福從五位上○戊子正六位上依羅我孫

忍麻呂授外從五位下。從五位下高橋朝臣國足為越後守。○辛卯地震。○冬十月癸丑日向國風雨共發。養蚕損傷仍免調庸。○甲寅天皇太上天皇皇后行幸金鍾寺燃燈供養廬舍那佛。佛前後燈一萬五千七百餘。坏夜至一更。使數千僧令擎脂燭讚歎供養繞佛三匝。至三更而還宮。○丁巳令安藝國造船二艘。○丁卯從四位下下道朝臣真備賜姓吉備朝臣。○癸

酉正五位下百濟王孝忠為太宰大貳。○十一月壬午以春宮負外亮正五位上石川朝臣年足為兼左中弁。從五位下笠朝臣叢麻呂為中務少輔。從五位上巨勢朝臣堺麻呂為式部大輔。從五位下大伴宿禰犬養為少輔。從四位下石川朝臣加美為兵部卿。○十二月丁巳停七道鎮撫使。又京畿內及諸國兵士依舊點差。是年渤海人及鐵利惣一千一百餘人慕化來朝。

安置出羽國給衣糧放還二百餘人慕出來歸

直隸縣對大京畿內又諸國共士對善無表具

可出傳耳以美為宗○十二月丁巳於子

神錄正立不大判前將大壽為少神錄因錄不

續日本紀卷第十六裝神錄和呂為左治大

又為兼式中長對正立不並傳耳葉和呂為中

且主子以春宮中長五正立也可以傳耳平

西五正立不百齋王表出為太宰大順日十六

終

